

recht² vnd von minen / erben vsgenommen.. Silbrern vnd.. waliseren wo die sesshaft . sint, zwschent bucÿens⁵, vnd als das wasser alventze, in die ylle gat, vnd zwschent Brätégôwē⁶ vnd thalaus⁷, als die sne slaipffinen gant die sont mir dikbenemptem.. Grauen albrecht² vnd minen erben beliben, och vnansprächig / von den vorgeantenen Grauen hartmans kinden³ vnd von iren erben.. was öch harkomen ald frömder lüt, in dis statt ze Bludentz, ziehent koment ald da wonent, si sient der herschaft von Tyrol ald von welchen landen si dar koment die sont min vorgeantenen Graf albrecht² vnd miner erben sin / och vnansprächig von Grauen Hartmans kinden³ vnd von iren erben.. es were danne, daz dehainer harkomen man in die stat gen Bludentz zug, ald noch dar in ziehent wrde, der von alter her die herschaft von sant Gäns, von eigenschaft wegen angehörti, vnd vber die Berge gezogen / were., ald do vber züge vnd har widerfür, vnd Burger ze Bludentz wrde ald do wonent were, der sol doch Grauen hartmans kinden³ vnd ir erben sin vnd beliben.. were aber das der selben harkommen lute die also in Bludentz zugent, als uorgescriben stat, vs der stat ze Bludentz, vff / das Lant ziehent wrdent wo hin das were, da sont si aber Grauen.. Hartmans kinden³ vnd iren erben beliben, vnd sol ich vorgeantener Graf albrecht² noch min erben die selben lüt des mit sumen noch irren, weder an ir lip noch an ir güt Ez were danne das die selben lüt gelhaft / wrdent ald icht verschult hettind, das sont si och do nach dem rechten richten, usgenommen Silbreren vnd walliseren, wenne die in die vorgeantenen Marken ziehent, ald do wonent die sont min obgenantenen Grauen albrecht² vnd miner erben sin als vor öch gescriben stat.. Ez ist öch berett / vmb schädlich lüt, welcher begriffen vnd geungen wirt... ienrenthalp den Markstainen, die zü dem statgericht ze Bludentz gehörent die sol man och in dem selben gericht ze Bludentz do stoke vnd galgen ist berechten.. Es were danne, das der selbe schädlich man Grauen / Hartmans kind³ oder iro erben were, den sol man danne antwurten, ienrent den nechsten acht tagen.. Graue Hartmans kinden³ vnd iren erben, oder iro Amptman ob sis vorderent, in ir nechstes gericht ane geuerde.. das selb ist mir obgenantenen Grauen Albrecht² vnd minen erben öch behalten / Were das dehain schädlich man.. der min vnd miner erben weri in Grauen Hart-